



**TAJUK KHUTBAH JUMAAT**

Siri: 4/2025

**SOLAT MENJAMIN KETENANGAN HIDUP**

**24 Januari 2025**

*Bersamaan*

**24 Rejab 1446**

DIKELUARKAN OLEH:

**JABATAN HAL EHWAL AGAMA  
TERENGGANU**

**PERINGATAN:**

Adalah diingatkan bahawa sebarang penambahan dan pemindaan terhadap isi kandungan teks khutbah yang telah disediakan oleh Jabatan Hal Ehwal Agama Terengganu adalah **DILARANG**.

Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

## **5 RUKUN KHUTBAH**

1. Memuji Allah SWT
2. Selawat Ke Atas Nabi Muhammad SAW
3. Berpesan supaya bertaqwa kepada Allah
4. Membaca Satu Ayat Al-Quran yang lengkap lagi jelas maknanya
5. Doa Kepada Orang Beriman Dalam Khutbah Kedua

**Khatib hendaklah menyampaikan semua rukun-rukun khutbah dalam bahasa Arab walaupun ia tidak difahami oleh para Jemaah.**

## KHUTBAH PERTAMA

الْحَمْدُ لِلَّهِ الَّذِي أَرْسَلَ رَسُولَهُ بِالْهُدَىٰ وَدِينِ الْحَقِّ، لِيُظْهِرَهُ عَلَى الدِّينِ كُلِّهِ،

RUKUN

وَكَفَىٰ بِاللَّهِ شَهِيدًا،

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.

اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِهِ وَصَحْبِهِ وَسَلِّمْ تَسْلِيمًا كَثِيرًا.

RUKUN

أَمَّا بَعْدُ، فَيَا عِبَادَ اللَّهِ،

أَوْصِيكُمْ وَنَفْسِي بِتَقْوَى اللَّهِ عَزَّ وَجَلَّ، وَمَنْ يَتَّقِ اللَّهَ يَجْعَلْ لَهُ مَخْرَجًا، وَيَرْزُقْهُ

RUKUN

مِنْ حَيْثُ لَا يَحْتَسِبُ..

**Saudara sidang Jumaat sekalian,**

Marilah kita sentiasa bertaqwa kepada Allah SWT di mana sahaja kita berada, dengan mematuhi titah perintah-Nya sebaik mungkin dan meninggalkan segala larangan-Nya, semoga kita semua berada di dalam pemeliharaan-Nya dan rahmat-Nya.

Dari mimbar yang mulia ini, khatib akan menyampaikan khutbah yang bertajuk:

### **SOLAT MENJAMIN KETENANGAN HIDUP**

## Muslimin yang diberkati Allah sekalian,

Kita masih lagi berada dalam bulan Rejab yang berlaku padanya peristiwa Israk Mi'raj. Sebagaimana dimaklumi bersama, solat telah difardukan sebanyak lima waktu pada malam Mikraj Nabi SAW sebelum penghijrahan Baginda SAW ke kota Madinah.

Ibadat solat adalah penghubung antara hamba dengan Allah SWT yang merupakan cara terbaik bagi mendapatkan ketenangan, kedamaian dan ketenteraman jiwa.

Kerana itu, solat yang ditunaikan oleh seseorang muslim, hendaklah dilaksanakan dengan ikhlas, khusyuk dan memahami kaedah dan bacaannya, agar kemanisan iman kepada Allah yang tulus dapat dimantapkan dalam diri. Sebagaimana firman Allah SWT dalam surah al-An'am ayat 82:

الَّذِينَ ءَامَنُوا وَلَمْ يَلْبِسُوا إِيمَانَهُمْ بِظُلْمٍ أُولَٰئِكَ لَهُمُ الْأَمْنُ وَهُمْ مُّهْتَدُونَ ﴿٨٢﴾

**Maksudnya:** Orang yang beriman dan tidak mencampurkan iman mereka dengan kezaliman (syirik), bagi mereka itulah keamanan dan merekalah yang mendapat petunjuk.

Apabila direnungkan pengajaran daripada ibadah solat sama ada yang wajib ataupun yang sunat, kita akan dapat menyelami pelbagai hikmah Ilahi; antaranya waktu-waktu solat yang berbeza, bilangan rakaat yang berlainan, jenis solat yang berlainan mengikut situasi, seperti solat lima waktu, solat Jumaat, solat musafir, solat mohon hujan, solat ketika peperangan dan sebagainya.

Hikmah di sebalik kesemuanya itu adalah untuk menguatkan hubungan hamba dengan Allah SWT dalam semua keadaan pada setiap waktu, mendekatkan diri dengan nilai-nilai yang luhur, dihiasi dengan akhlak yang mulia sesama insan, dan menjauhkan diri daripada segala keburukan. Dengan erti kata lain, solat dapat membina nilai-nilai kemanusiaan yang tinggi dalam kehidupan.

Firman Allah SWT dalam surah al-Ankabut, ayat 45:

أَتْلُ مَا أُوحِيَ إِلَيْكَ مِنَ الْكِتَابِ وَأَقِمِ الصَّلَاةَ ابْتَغِي الصَّلَاةَ تَنْهَى

عَنِ الْفَحْشَاءِ وَالْمُنْكَرِ وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿٤٥﴾

**Maksudnya** : Bacalah serta ikutlah (wahai Muhammad) akan apa yang diwahyukan kepadamu dari Al-Qur'an, dan dirikanlah sembahyang (dengan tekun); sesungguhnya sembahyang itu mencegah dari perbuatan yang keji dan mungkar; dan sesungguhnya mengingati Allah adalah lebih besar (faedahnya dan kesannya); dan (ingatlah) Allah mengetahui akan apa yang kamu kerjakan.

### Muslimin yang dimuliakan Allah

Orang yang mengerjakan solat dengan khusyuk akan dapat menjiwai sifat sabar, mendidik dirinya dalam menghadapi sebarang kesulitan dan ujian hidup. Dia memandang kehidupan dengan penuh harapan, diserapi rasa kasih sayang dan kemuliaan. Firman Allah swt dalam surah al-Baqarah, ayat 45 :

وَأَسْتَعِينُوا بِالصَّبْرِ وَالصَّلَاةِ وَإِنَّهَا لَكَبِيرَةٌ إِلَّا عَلَى الْخَاشِعِينَ ﴿٤٥﴾

**Maksudnya:** Dan mintalah pertolongan dengan jalan sabar dan mengerjakan solat; dan sesungguhnya solat itu amatlah berat kecuali orang yang khusyuk.

Ketika seorang hamba berdiri menunaikan solat, dimulakan dengan ucapan 'Allahu Akbar' ; yang merupakan terjemahan kepada pengakuan kebesaran Maha Berkuasa, dirasai keagungan Allah SWT mengatasi dirinya dan seluruh alam semesta. Tiada sesuatu pun yang lebih hebat dan agung selain daripada Allah Yang Maha Perkasa.

Dengan mengakui kesempurnaan dan kebesaran Allah SWT, hati menjadi tenang. Sikap diri juga akan berubah mengakui kehambaan kepada Pencipta yang mengurniakan pelbagai nikmat yang tidak terhitung. Inilah solat yang berupaya memadamkan segala penyakit hati, menghilangkan segala kesedihan dan kebencian, di samping berharap kepada Yang Maha Berkuasa agar diri menjadi hamba yang bertakwa.

### **Hadirin sekalian,**

Umat Islam diperintahkan untuk menjaga solat lima waktu dengan penuh keimanan kerana ia bakal mensucikan jiwa, membersihkan kekotoran dosa dan menyempurnakan akhlak mereka.

Rasulullah SAW bersabda yang bermaksud:

"Andai kata di depan pintu rumah seseorang di antara kamu ada sebuah sungai dan dia mandi di situ sebanyak lima kali dalam sehari, apakah masih ada kekotoran yang masih tertinggal pada badannya?"

Para sahabat menjawab: "Tidak ada kekotoran sedikit pun yang tertinggal pada badannya."

Baginda bersabda: "Demikianlah bandingan solat lima waktu, dengan mengerjakan semua itu Allah akan menghapuskan semua dosa dan kesalahannya."

(Hadis Riwayat al-Bukhari dan Muslim)

**Saudara Muslimin sekalian,**

Kita sedar bahawa solat merupakan rahmat terbesar yang dikurniakan oleh Allah SWT kepada para hamba-Nya yang beriman.

Justeru, pelajarilah cara-cara mencapai kesempurnaan solat, agar hati menjadi tenang dan jiwa yang tenteram. Mohonlah daripada Allah SWT agar dikurniakan masa yang barakah, dapat diisi dengan munajat kepada-Nya, dikurniakan jiwa yang khusyuk dan doa-doa kita dikabulkan oleh Allah SWT.

أَعُوذُ بِاللَّهِ مِنَ الشَّيْطَانِ الرَّجِيمِ

فَإِذَا قَضَيْتُمُ الصَّلَاةَ فَادْكُرُوا اللَّهَ قِيَمًا وَقُعُودًا وَعَلَىٰ جُنُوبِكُمْ فَإِذَا

أَطْمَأْنَنْتُمْ فَأَقِيمُوا الصَّلَاةَ ۚ إِنَّ الصَّلَاةَ كَانَتْ عَلَىٰ الْمُؤْمِنِينَ كِتَابًا

مَّوقُوتًا ﴿١٠٣﴾

**Maksudnya:** Kemudian apabila kamu telah selesai mengerjakan sembahyang, maka hendaklah kamu menyebut dan mengingati Allah semasa kamu berdiri atau duduk, dan semasa kamu berbaring. Kemudian apabila kamu telah merasa tenteram, maka dirikanlah sembahyang. Sesungguhnya sembahyang itu adalah satu ketetapan yang diwajibkan atas orang yang beriman, yang tertentu waktunya. (Surah Al-Nisaa, ayat 103)

بَارِكِ اللَّهُ لِي وَلَكُمْ فِي الْقُرْآنِ الْعَظِيمِ.  
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ.  
وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ.  
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ  
وَالْمُسْلِمَاتِ وَالْمُؤْمِنِينَ وَالْمُؤْمِنَاتِ  
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ



## KHUTBAH KEDUA

الْحَمْدُ لِلَّهِ رَبِّ الْعَالَمِينَ،

RUKUN

وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا  
مُحَمَّدًا عَبْدُهُ وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ  
أَجْمَعِينَ.

RUKUN

أَمَّا بَعْدُ، فَيَا عِبَادَ اللَّهِ! اتَّقُوا اللَّهَ فَقَدْ فَازَ الْمُتَّقُونَ.

RUKUN

مَعَاشِرَ الْمُسْلِمِينَ رَحِمَكُمُ اللَّهُ،

Zakat merupakan kefarduan yang ditetapkan oleh Allah SWT. Selain bertujuan menyucikan harta, zakat juga berfungsi untuk membangunkan ekonomi umat Islam dengan merapatkan jurang antara golongan kaya dengan miskin yang bermatlamat mengeluarkan golongan asnaf daripada kemiskinan. Zakat sememangnya ibadah yang menzahirkan kebersamaan serta kecaknaan antara sesama umat Islam agar dapat mengeratkan hubungan ukhuwah Islamiah. Alhamdulillah, pada tahun 2024, Majlis Agama Islam dan Adat Melayu Terengganu (MAIDAM) telah berjaya meningkatkan jumlah kutipan zakat, sekurang-kurangnya lebih 20 juta berbanding tahun 2023. Daripada jumlah kutipan zakat tahun lepas, MAIDAM telah berjaya mengagihkan seratus peratus daripada jumlah kutipan zakat kepada semua

asnaf di negeri Terengganu. Sejumlah besar agihan zakat diberikan kepada asnaf fakir dan miskin di negeri ini. MAIDAM merakamkan setinggi-tinggi penghargaan dan terima kasih kepada semua pembayar zakat yang telah melaksanakan kewajipan berzakat dan memberikan kepercayaan penuh kepada MAIDAM untuk menguruskan zakat. Semoga Allah SWT mengurniakan sebaik-baik ganjaran atas pelaksanaan ibadat zakat serta dilipatgandakan rezeki berserta keberkatan daripada-Nya. Semoga lebih ramai pembayar zakat dapat bersama MAIDAM dalam usaha murni ini.

Marilah juga kita memperbanyakkan ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾  
 اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا  
 إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا  
 مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ،  
 إِنَّكَ حَمِيدٌ مُجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ،

الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرِفُهُ غَيْرُكَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنَ السَّيِّئِ الْأَسْقَامِ.  
اللَّهُمَّ اشْفِ مَرَضَانَا وَارْحَمْ مَوْتَانَا، وَالطُّفَّ بِنَا فِيمَا نَزَلَ بِنَا.

اللَّهُمَّ احْفَظْ مَوْلَانَا الْوَاتِقَ بِاللَّهِ السُّلْطَانَ مِيزَانَ زَيْنِ الْعَابِدِينَ، ابْنَ  
الْمَرْحُومِ السُّلْطَانَ مُحَمَّدِ الْمُكْتَفِيِّ بِاللَّهِ شَاهٍ، وَأَنْزِلِ الرَّحْمَةَ عَلَيْهِ وَعَلَى  
السُّلْطَانَةِ نُورِ زَاهِرَةَ، سُلْطَانَةِ تَرَغْكَانُو.

وَاحْفَظْ أَوْلَادَهُ وَأَهْلَهُ وَرِعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا  
وَالْآخِرَةِ، بِرَحْمَتِكَ يَا أَرْحَمَ الرَّاحِمِينَ.

اللَّهُمَّ احْفَظْ وَلِيَّ الْعَهْدِ تَعَكُّو مُحَمَّدَ إِسْمَاعِيلَ ابْنَ الْوَاتِقِ بِاللَّهِ السُّلْطَانَ  
مِيزَانَ زَيْنِ الْعَابِدِينَ.

اللَّهُمَّ أَعِزِّ الْإِسْلَامَ وَالْمُسْلِمِينَ، وَأَذِلِّ الْمُعْتَدِينَ الظَّالِمِينَ، وَدَمِّرْ  
أَعْدَائِكَ أَعْدَاءَ الدِّينِ، وَانصُرْنَا عَلَيْهِمْ يَا رَبَّ الْعَالَمِينَ.

اللَّهُمَّ انصُرْ إِخْوَانَنَا الْمُسْلِمِينَ وَالْمُجَاهِدِينَ فِي فَلَسْطِينَ وَفِي كُلِّ  
مَكَانٍ.

**Ya Allah,**

Teguhkanlah Iman kami dalam menempuh segala mehnah dan ujianMu, Kekalkanlah keamanan, keselamatan dan kesejahteraan kepada negara kami Malaysia dan negeri kami Terengganu Darul Iman, Jadikan negeri kami ini negeri yang aman. Jauhi negeri kami daripada sebarang musibah, perpecahan dan huru hara.

**Ya Allah,**

Cemerlangkanlah pendidikan anak-anak kami, Tambahkanilah ilmu yang bermanfaat kepada mereka, suburkanlah jiwa mereka dengan akhlak yang mulia dan terpuji, Jadikanlah anak-anak kami pemimpin dalam kalangan orang yang bertakwa.

**Ya Allah,**

Anugerahilah keberkatan kepada para pembayar zakat dan pewakaf MAIDAM. Semoga Allah SWT mengurniakan ganjaran ke atas apa yang diberikan dan memberi keberkatan ke atas harta yang berbaki.

**Ya Allah,**

Anugerahkan pertolongan dan bantuanMu untuk saudara kami di palestina. Berikanlah ketabahan dan kekuatan kepada mereka dalam menghadapi kekejaman rejim zionis. Peliharakanlah bumi baitul maqdis dan seluruh saudara kami disana.

Amiin amiiin Ya Rabbal alamin.

رَبَّنَا آتِنَا فِي الدُّنْيَا حَسَنَةً وَفِي الآخِرَةِ حَسَنَةً وَقِنَا عَذَابَ النَّارِ.  
وَصَلَّى اللهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.  
وَالْحَمْدُ لِلَّهِ رَبِّ الْعَالَمِينَ.

عِبَادَ اللهِ!

إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايِ ذِي الْقُرْبَىٰ وَيَنْهَىٰ عَنِ الْفَحْشَاءِ  
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ  
فَاذْكُرُوا اللَّهَ الْعَظِيمَ يَذُكُرْكُمْ، وَاشْكُرُوا لَهُ عَلَىٰ نِعْمِهِ يَزِدْكُمْ،  
وَلَذِكُرِ اللَّهُ أَكْبَرُ، وَاللَّهُ يَعْلَمُ مَا تَصْنَعُونَ.  
قُومُوا إِلَىٰ صَلَاتِكُمْ، يَرْحَمْكُمْ اللَّهُ.